

DEO OPTIMO MAXIMO UNI ET TRINO. VIRGINI DEIPARÆ
ET SANCTO LUCÆ ORTHODOXORUM MEDICORUM PATRONO.

1391
QUÆSTIO MEDICA,
QUODLIBETARIIS DISPUTATIONIBUS MANE DISCUTIENDA
IN SCHOLIS MEDICORUM, DIE JOVIS XXVIII. FEBRUARII.

M. CLAUDIO-ANTONIO RENARD, Doctore Medico, Præside.

An mores parentum traducuntur ad sobolem?

HUMANUS animus suâ naturâ extorris materiæ, & elementorum exors, illigatur corpori quod agit movetque: Et quamvis diversa sit utriusque natura atque conditio, perpetuisque odiis dissideant, quamdiu tamen corpori ille adunatur, cuius rector est, ut gubernator navis, sic ipsam impellit, ut vicissim ipse impellatur, & illius quoque motiones in se sentiat. In eo velut in carcere, vel si malis, sepulchro situs, definit esse sui juris & suæ potestatis, nullasque edere functiones, valet immunes à corpore. Quid enim agat artifex quantumvis peritus, instrumento vacans? Cujus perfectionem integritas, vitium ipsarum impedimentum everisusque sequitur. Animus videt, animus audit, sed si oculos occuparit glaucoma, si aurium meatus crassus humor obfuderit, frustrâ vim suam exerit animus. Eodem modo, nec sentit sine nervo, nec movet sine musculis, nec sapit aut meminit sine cerebro. Oriosa tamen est absque spirituum & humorum ministerio, partium singularum opera, quorum moderatione vel intemperie, recta vel vitiosa pendet in generationis primordiis membrorum configuratio.

MORES sunt insitæ vel insitivæ quædam propensiones quibus incitatus animus, vel pathematis, vel virtutibus aut vitiis, facilius assuecit. Instivos ab imitatione & institutione, institos à naturâ haustos, & pueri & lactentes ipsi ante voces exprimunt; Imò in ipsis quoque contrarios observamus. Hic liberalis & benignus est, ille invidus; hic lenis & misericors, ille alienis malis exultat, hic pavidus est, ille audax. Tot morum discrimina ab humorum diversâ indole proficiuntur, ut recta vel mala mens à corporis diathesi pendeat. Sic à spirituofo sanguine docilitas, mansuetudo, Veneris studium, stoliditas pulchritudinis affecta: à redundante parte serosâ segnities, torpor, mentis hebetudo, somnolentia: à parte crassâ, metus, meror, salacitas & animi robur: à sulphureâ sanguinis parte incandescencia, levitas, superbia. Nec à solis humoribus ingenium & mores, sed & à cælo & solo immutantur, quorum amenitas aut inclementia indolem quoque reddit consimilem. Sic in Septentrionalibus duritas & diritas morum, in Asiaticis comitas apparet & recta indoles. Nonne in ipsos jus habent & virtus & scientia, videturque ratio: quorum plerumque ea solet esse vis & efficacia, ut qui naturâ superbus erat, humillimus reddatur. Nolim tamen credas, vitæ institutum, hominumque mores insitos, adeo per educationem mutari posse, ut nihil horum posthac superfit.

SEMEN veluti quoddam *σπέρμα* & *σπέρμα* singularum corporis partium ideam refert, à quibus excerpitur & decedit; hominis compendium jure dixeris. In ipso æternum reddit natura, quod mortale genuerat: Neque illud perit omnino, quod alio simul renovatur ac repubescit. Hoc modo species & speciei conservator sexus perennat, ipsaque paterni oris & corporis effigies, ipse gestus & nutus in filiis spirat; imò ut nihil desit, colores, navi & cicatrices in eadem particulâ pinguntur. Finis ab ortu pendet, recteque dixeris in femine nascituri hominis fatâ occultari, legemque canorum & barbæ. Tot motuum principia in hac guttulâ latent, ut rerum majestas in gemmâ unâ: quæ altius interdum quàm à patre scaturiunt, ut in albi parentis filio nonnumquam reviviscat avus Æthiops.

EFFECTUS principii respondent, neque ex aquâ ignis, neque ex igne aqua generari potest. Ex sincero sanguine nec non bilioso calidum semen, ex crassiori, viscidiori, nimisque seroso non nisi frigidum conficitur. Hinc animo, temperie, formâ vulgo filii parentes referunt. Nec perit feminis materia in conformationis opere, sed suis perflua qualitatibus servatur, & in generatas partes abit; ideoque non nisi supremo interitu primæ istius materiæ temperies aboletur. Est etiam in malis hæreditas, & propagantur morbi per traducem, filiis, quidquid parentes peccaverint, immeritâ calamitate luentibus; adeo similitudinis sollicita natura est, ut ægris parentibus natos, infelices potius gignat quàm dissimiles. An illa in perfectis deficiet? Minime Nullus verè est heros, qui heroem non progeneret, in hoc alioqui vili quovis animante foret inferior, quod præstantissimâ similis procreandi virtute non caret.

MONSTRUM est quodammodo, patrem non referens filius; neque quidpiam habet effectus naturalis, quod à causâ non mutuatur. Quis ex aridâ radice flores expectet? aut ab imbelli columba ferocem Aquilam? fortes creantur fortibus & bonis. Id palam fit in generationibus animalium, imò & plantarum: cum ad initis equarum, equi meliore admixturâ creati, ad canum catullientium congressus generosi canes usurpentur, & ad vites, oleas, cæterasque arbores propagandas, optimæ vivi-radices & surculi deligantur. Hinc à sapientissimis regnum hæreditarium constitutum est, ex magnis & heroibus viris similem prolem expectantibus. Hinc à plebeio plebeius, libidinoso projectæ pudicitie adolescens & luxuriæ mancipium, à ferino & immiti, ferinis quoque moribus nascitur filius, quos numquam exivit, licet aliquando submittat, sed cum minimè expectaveris exasperantur mitigati, nec unquam bonâ fide mansuecunt aut cicurantur. Quid plura? parentum virtutes & vitia unâ cum semine quasi instillantur filio, in quo eorum persæpe frons, oculi, vultus, agnoscuntur, sapientissimè autem mores:

Ergo mores parentum traducuntur ad sobolem.

DOMINI DOCTORES DISPUTATURI.

M. Ludovicus Guillaud, Scholarum Professor.
M. Joannes-Baptista Fernelhius, in Regia Artium Academia
Socius honorarius.
M. Joannes Despiney Pesehard.

M. Philippus Fontaine.
M. Amicus Pepin.
M. Petrus Azevedo.

M. Jacobus Simon Gilles de la Rivière.
M. Ludovicus Lenery, Regia Scientiarum Academia Socius.
M. Petrus le Tomellier.

Proponebat Parisiis JACOBUS-ANTONIUS MILLET, Senonensis, Baccalaureus Medicus, A.R. S.H. MDCCXV.

Typis J. QUILLAU, Universitatis & Facultatis Medicinæ Typographi.